

河南府縣志輯

中國地方志集成

康熙永寧縣志
民國洛寧縣志
光緒重修盧氏縣志

中國地方志集成

河南府縣志輯 ⑥8

康熙永寧縣志

民國洛寧縣志

光緒重修盧氏縣志

上海書店 ● 巴蜀書社 ● 江蘇古籍出版社



康熙永寧縣志

（清）佟賦偉纂修



本書七卷、首一卷。現據一九五九年轉抄
康熙三十一年（一六九二）刻本影印。

永寧縣志序

郡邑之有志所以紀往而勸來
蓋古者方志閭史之遺意也然
非畧知春秋遷固歐陽述作之
大義而考據精密取舍詳慎則
往往鄙陋紕繆而不足觀雖記

載有大小之異才學有高下之
殊至於筆削條例之所在未有
憤歎無所見而可以率爾操筆
者也余自乙丑冬來為河南永
寧令登山臨水想大禹文王召
公之遺跡求馮異楊再興徐達

之戰地訪張濬薛繼遠流寓之

別墅讀蔡子英辭官之書而吊
其故里摩挲前令武大烈題壁
之詩而哀其忠俯仰千載慨然
歎慕退而考其舊志之所書則
或載或不載或載而不得其事

實及其他之憑臆傳會言而不
文者尤多意欲刪去其牴牾於
古者而稍別為義例本之經史
叅之聞見以存其本真願病未
能也會

大中丞閻公以公孤燮理之才當周

畢保釐之任三年有成百廢俱舉乃蒐羅中原之文獻是正增補作為通志以示法戒又下令府州縣各志其土地人物上之臺以備採擇既又慮夫作者之一而無所折衷也復領之準格

俾有所遵守余於是竊自幸其私願之得遂也乃禮致士之好古知學者與之從事溯沿革別疆界繫星野標山川舉政教之大端錄風俗之遞變列廟祀興作之雜亂存仁賢名跡之凋零

述職官而知為民父母之難詳人物以明行已節義之重條分縷晰體要粗具舊本改易十且四五極知學愧宏博辭非爾雅不足供有識之一咲然其質之經而不敢悖徵之史而不敢誣

謹奉

大中丞公之準格而不敢踰擬之而言蓋亦萬分之一焉文雖不足而質或未遠也惟是反覆職官之舊載自宋元以來且數十百人矣其治行尤異登於簡策者

寥寥僅十許人人寥寥僅數語
豈皆歲久磨滅不復傳於後世
與抑無得而稱故不書其書者
不過頌美之諛辭故泛然加之
不情之譽而難以詳悉具陳與
余不佞戴星於此六年矣斯民

直道來者難誣安知後人之不
以無得而稱視余也可不懼哉
可不懼哉

康熙三十一年 月 日永

寧縣知縣襄平佟賦偉書

巡撫河南等處地方提督軍務兼
理河道都察院右副都御史閻
爲續修志書以存文獻事照得郡
邑有志必信必徵始足傳後其間
博而不支簡而能盡彬彬大雅上
之可列於職方下之可藏於石室

蓋有關於政治者非淺也豫省當
天下之中道里所均古聖先賢大
半發跡於斯則軒輶所至未有不
訪其故實者而郡邑之志已三十
餘年莫之增修其爲遺漏者多矣
又昔年修志止取備文未加考訂

或限以數日或所託非人本都院
逐一查閱府志如河南南陽縣志
如宜陽河陰蘭陽等志荒悖失倫
莫可枚舉至於安陽汲縣乃彰德
衛輝兩府首邑竟無志書尤為缺
典今本都院已將通省志書設局

修正而各府州縣所送續冊未能
畫一又通志所載限於定格不能
如府州縣之詳則三十餘年所遺
者十之六七自此漸遠漸至凋殘
文獻無徵何從取信矧此三十年
皆我

皇上生聚教養之所培育其戶口日
增土田日闢文治隆而風俗厚災
祥見而官民警安可不大大書特書
以爲一代盛典哉擬合通行續修
爲此牌仰該縣官吏照牌事理卽
延擇文學名儒熟知典故長於史

事者博採典章蒐羅遺軼其舊志
未載者一一補之舊志之舛謬者
悉改正之不得以同名疑誤相沿
不得以稗官小說撓入本都院又
恐各屬參差不齊未歸畫一將凡
例開明粘單於右悉照此為規程

若夫叙論之古雅典茂俱屬才人之大筆在乎各自畱心稿成先錄草本呈送本都院披閱裁定其所費紙張工料須量力捐資慎勿絲毫派之民間諒此不朽之盛舉可指日觀成也速速須至牌者

永寧縣誌書

卷之首

牌例

四

康熙二十九年七月

日

粘單

一總圖 須精詳

一沿革 須照諸史考証毋得混不必過多

一天文 畧摘切要者勿用混載以分野所鑒者廣也

一四至 疆域要考正

一建置 城池須載明幾時建某人修一一查明學校止載起建修葺不必載開元其新定樂舞等宜增

入

一河防 宜先敘前代而以近今所開所淤備細入之

一鄉村鎮集 止載方隅里數有古事者註之

一公署 止載創建始末

永寧縣誌書

卷之首

粘單

一橋梁 亦載建造始末

一倉庫社學 止載方隅建造月日

一街巷坊第 須註明何處已上凡有事實者當詳考而載之祀典及書院考正載之勿

遺

一山川 須考果係封內者方載入不可遺漏河道要將近日所開濬淤塞變遷等造明其間事實備細詳查註明不可以小說撓

一古蹟 須考明某代某人將事實註明不得遺漏不可入如宜陽志之可笑也

一風俗 畧載之而自加論斷

一土產 非地所出及平常草木可不必載須載其特產者

一陵墓 須註明某代某人有碑碣與否

一寺觀必奉勅建或建置已久有可考者載之餘刪

一賦稅止載舊額若干新増新減若干不須載其爵里時代年有可紀者畧書

一職官之實係名官則立一小傳於後須考正

一人物聖賢忠貞并入其科貢等必載其家世時代年

於後

一流寓孝義烈女隱逸方技各考實詳核以載其節烈務在闡發幽光勿專載世

家

一藝文須擇佳者或開邑乘者載之八景可不必錄錄必錄其佳者

災祥雜志倣古為之

永寧縣誌書

卷之首 粘單

二

永寧縣志目錄

卷首縣境圖 縣治圖

卷一

輿地志

沿革

疆域

形勝

山水

街道

鄉里

村落

集市

天文

災異

風俗

物產

卷二

建置志

永寧縣誌書

卷之首 目錄

一

城池

公署

廟學

社學

書院

壇壝

倉

渠

養濟院漏澤園

舖舍

卷三

賦役志

戶口

田地

稅糧

卷四

職官志

知縣

縣丞

主簿

尉

教諭

卷五

人物志

忠節

儒學

舉人

武功

方技

卷六

永寧縣誌書

卷之

目錄

二

典史

訓導

軍官

巡檢

孝行

薦舉

貢士

武科

列女

封贈恩廕

例監

進士

功業

廟祀

陵墓

釋老

序

贊

卷七

藝文志

賦

寺觀

古蹟

勅

記

書

祠祀

景物

疏

書

詩

後序

境

內

山


川


之

圖

永寧縣誌書

卷之首





輿地志

沿革

志一邑者必先考其邑之置於何時領於何郡名於何代始末同異較如指掌而後天文地利古今人事之變可次第詳焉永寧古召南之地其為縣則自南北朝沿革之蹟具在前史故考而著之

永寧戰國為韓地漢晉弘農郡宜陽之西偏澠池之南境也後漢書地理志註曰宜陽有金門山山竹為律管澠池有二峭今金門山在縣南三十里二峭山在縣後周置縣曰熊耳隋因之隸河南郡恭帝義寧二年始更今名曰永寧隸宜陽郡唐宋並隸

永寧縣志書

卷之一 沿革

河南府金隸嵩州元明仍隸河南府

本朝因之舊志謂唐初移縣治於同軌城城不詳所在謂即今縣西廢長水縣西五十里之故縣鎮者非也唐志武德初永寧隸西州長水隸金文記縣有正隆六年以前寄治河南府後即府店鎮為縣府店亦不知處所豈即今治與不可考矣

疆域

封疆之界治邑者之大事也侵人之土地則爭所自起悞已之分守則亂所由生矧永寧當宜盧嵩陝之交山水險僻封疆尤易淆爭亂尤易構者乎故於邑之八方

湍汨汨北有二峭之阻東北有河底之隘西有十八盤坡之險曲南有金門界嶺白馬神頂女凡之連亘東則宜陽之韓城距岷山才四十里蓋戰國舊宜陽縣地秦晉之門戶也守土者綏人方而備禦無失邑之安其百世矣乎

山川

禹貢奠高山大川以綱紀九州而周禮職方氏掌天下之地必辨其國之山藪川瀕蓋疆域以此分風氣以此限而神靈之降雲雨之施寶藏之興灌溉之利功在生民者甚大祀典復以此而秩此志地理者所以必表而著之也永寧河南之西鄙三面皆山巉巖萬疊而巨川橫注百谷奔入嘗試登高臨深周覽其風景山川之有功於是邑者多矣故特書其大者而小者各以類附焉

山

鳳翼山在城北一里以形如鳳翼故名

延壽山在縣西五里山有香泉相傳飲之者多壽故名

金門山在縣南三十里山產竹可為律管故又名曰律管山玉泉記所謂取宜陽金門竹為管河內葭草為灰吹之以候陽氣者也舊志云黃帝命伶倫取竹

於此以造律呂按前漢律曆志伶倫取竹在大夏之西崑崙之陰

明月山在縣西四十里長水鎮北

天柱山在縣西四十五里長水鎮西

龍頭山在縣西四十五里洛水之陽以形似名

懊來山在縣西四十五里洛水之陰

大通山在縣西五十里

馬英山在縣西五十里

東垣山在縣西七十里

三峯山在縣西一百一十里

永寧縣誌書

卷之一 山川

四

三趾蹬山在縣西一百二十里

九轉山在縣西北三十里路盤折九轉至頂故名

嶠嶠山在縣西北三十五里舊志謂廣成子嘗居此

紫蓋山在縣西北四十五里

陽虛山在縣西北五十里一名陽峪山山海經云陽

虛之山多金臨於玄澗之水

峭山在縣西北六十里晉襄公敗秦師之地也東峭

至西峭相去三十五里道極險峻雍錄山一名嶽崆

按公羊傳蹇叔送其子而戒之曰爾即死必於穀之

嶽嶽是文王之所避風雨者也左傳杜預註云谷深

委曲兩山相嶽故可以避風雨皆言穀山之險耳山故未嘗有嶽崆之名也豈後人因二傳而誤加一字遂以名山與

壇屋山在縣西北六十里山頂廣平如壇高阜如屋

一名天壇山

黃塘山在縣西北八十里

楊栢山在縣西南四十里

攢盤山在縣西南八十五里

香爐山在縣東北二十里

清風山在縣東南三十里

永寧縣誌書

卷之一 山川

五

兩耳山

仁壽山

象車山

駝羊山

大頭山見隋志

磁石山見隋志

魚脊嶺在縣東北七十里

騰騰嶺在縣西十里

礦子嶺在縣西五十里

摩雲嶺在縣西八十里

十八盤嶺在縣西一百一十里

大峯嶺在縣西南三十里

分水嶺在縣南三十里

鳥喙峯在縣南三十里

獅子巖

淘峪在縣東南十五里

西湖峪在縣西五里

畢澗峪在縣西三十里

馮峪在縣西四十五里

大豐峪在縣西南二十五里

永寧縣誌書

卷之一 山川

六

畢村峪在縣西南三十里

底張峪在縣西南五十里

孫洪峪在縣西南六十里

羅村峪在縣西北二十里

孟家峪

楊峪

侯峪

下峪

尋峪

水

洛水在縣南三里由盧氏入境東西一百四十里達宜陽界

澠水在縣西五十里源出陽虛山南流入洛

穀水在縣北七十里源出塢塚林穀陽谷東北流經

澠池至新安澗水注之入於洛舊志謂發源熊耳至

韓城入洛者非也

峭水在縣北六十里源出峭山

錦陽川在縣東北二十里源出黃塘山東南流入洛

大宋川在縣北二十五里源出黃塘山東南流入洛

刀環川在縣東北五十里源出峭山東南流入洛

永寧縣誌書

卷之一 山川

七

鳳山澗在縣東一里

溪源澗在縣東五里

白水澗在縣西二十五里

鳳尾澗在縣西四十五里

寺峪澗

雷公澗

嶢峽澗

客王澗

栢王澗在縣西五十里

小石澗在縣西北五十里源出黃塘山

大石澗在縣西北五十里源出黃塘山

九經澗在縣西北一百里

溫泉在縣東北二里

香泉在縣西北五里延壽山下

懸泉在縣西

馬跑泉在縣西

醴泉

街道

永寧方城也縱短而橫長直東西南三門之通衢曰大

街大街南東西抵城者曰後街自大街而北抵城南通

永寧縣誌書

卷之一

街道

八

於後街曰小街兵亂之後才遺無幾間并蕭然瓦礫交

於道周自近歲興集以來民始稍稍即通衢起屋而後

街小街之荒涼尚如故也

大街自縣治以東曰時和街西曰安民街南門內北

直文廟者曰文明街

後街自文明街以東曰時東營西曰時西營又西曰

太平街

小街自時和街之東折而北曰真武巷折而南曰里

仁巷自安民街之東折而南曰金龍口西折而北曰

中正巷折而南曰清化街

鄉里

永寧舊計六十里今止存十二地非減於昔而里數懸絕者大亂之後死徙多而子遺無幾也長人者撫摩而休養之使民有生聚之樂而無轉死之患數十年以後其復見舊里之盛矣乎

太平鄉在縣西計三里 王范 東仇 蕉西

長澗鄉在縣西北計一里 底張

福田鄉在縣西南計二里 樊村 陳宋

德化鄉在縣東北計六里 王趙 原村 真庄

吳村 大宋 楊坡

永寧縣誌書

卷之一

鄉里

九

村落

永寧山國也自長水而東至於金門大宋之川而地始平洛河屈注渠澗縱橫竹樹蓊茂彌望青翠民之聚廬而處者或於村或於砦或數家而為隣或結茅于水之隈山之曲或穴而居於山腰恠石老樹之間遠近高低錯落掩映宛如圖畫蓋河洛卜築絕勝之地也顧其地膏腴而隘故民之受田者寡生理艱難丹崖綠壑中時聞野哭之聲此則司牧者春秋佳日驅車遊覽時所宜諮訪而俾之得所者也

東

余庄鎮 東十里 嶺山鎮 東二十里

真庄村 東二十二里 溪村 東十五里

寨裡村 東十里 馬園村 東十里

吳村 東六里 河底鎮 東北六十里

官庄村 東北三十里 程家庄 東北二十五里

刀環川 東北三十里 大宋川 東北三十二里

楊坡村 東北四十里

西

王范鎮 西五里 長水鎮 西四十里

故縣鎮 西一百里 張村 西二十里

永寧縣誌書 卷之一 村落 十

塢西村 西十里 崖底 西十五里

小仇村 西三十里 田村 西三十二里

泥池村 西五十里 中村 西九十五里

尚村 西九十里 都家河 西九十二里

皇城 西一百五里 下峪村 西九十里

高門關 西一百一十 崇陽鎮 西八十里

董寺 西七十里 孫洪峪 西六十里

夏前頭 西六十里 石嶺崖 西八十里

龍脖石寨 西一百里 都山石寨 西一百二十里

水斗瑤 西七十五里 陽峪河 西六十里

袁家凹 西五十五里

南

寨子村 南七里 大原村 南十二里

坡頭村 南八里 王李村 南十五里

王趙村 南二十里 新寨村 南二十五里

孫董村 西南二十五里 古村 西南三十五里

底張村 西南三十五里 高村 西南四十五里

南村 西南五十里 谷圭村 東南十五里

澗口村 東南十八里 淘峪村 東南二十里

原村 東南二十二里 東張村 東南二十里

永寧縣誌書 卷之一 村落 十一

陳吳村 東南十五里

神項寨 東南三十五里 明大將軍徐達率諸將進攻河南諸山寨克神項元守將張知院以其衆

降達隨進兵洛水北塔兒灣百戶孫震守禦地

白馬寨 東南四十里 百戶鎖飛守禦地

北

大石澗 北四十五里 史村 北十里

曲家村 北十二里 翟野村 北五十里

池天寨 北二十里 李家原 北十里

王村 北十八里 小石澗 北三十里

小廟底 北二十八里 羅村溝 北十五里